

GIPUZKOAKO ENPREA EHUNAREN LEHIAKORTASUNA INDARTZEA SUSTATZEKO PROGRAMA – LEHIAKORTASUNA INDARTZEA (ERALGIP)

XEDEA: Enpresa sarearen lehiakortasuna sustatzea izaera estrategikoa eta inpaktua duten jardueren bitartez, produktu, zerbitzu, prozesu, antolaketa, eta negozio ereduak bereizten eta balioesten laguntzeko.

ONURADUNAK:

- Gipuzkoan kokatutako enpresak
- Gipuzkoan kokatutako enpresen elkarteak eta klusterrak
- EAEn kokatutako enpresa elkarteak, Gipuzkoan kokatutako enpresen interesak ordezkatzeko dituztenak
- Gipuzkoan kokatutako Zientzia, Teknologia eta Berrikuntzako Euskal Sareko erakundeak.

PROIEKTU MOTAK:

Diruz lagun daitezkeen jarduerak izango dira proiektuak garatzea (ikerketak, analisiak eta azterketak, laguntza tresnak sortzea, enpresa eraldaketako dinamikak eta esperientzia esperimentalak ezartzea) xede hauetarako:

- enpresa arloko inteligentziari lotutako dinamika esperimentalak txertatzea, garatzea eta ezartzea barruko eta kanpo informazioa jasotzen dutena-, eta baita ere informazio askorekin lan egiteko aukera ematen duten teknologia berri, diziplina eta jakintza esparruak jasotzen dituztenak eta, erabakiak hartzeko xedez, jakintza sortu, balioa erantsi eta negozio aukera berriak eskaintzen dituztenak.
- Enpresaren jakintza bereizgarria identifikatzea eta modu adimentsuan ustiatzea (oinarrizko eskumenak eta balioa sortzea), etorkizuna duten enpresa aukerak sortzeko.
- Erabiltzaileak eta bezeroak enpresetan eragile aktibo bihurtzeko prozesuak txertatzeko.
- Negozio ereduak balio erantsi handiagoko proposamenetara bideratzea, serbituzazioa barne - produktuaren salmentatik produktu eta zerbitzu binomiora doan eboluzioa-.
- Negozio aukera berriak sortzen dituzten prozesuak ezartzea, enpresak dituen jakintzaren erabilera intentsiboa eta sormena erabilita, betiere merkatu balioko proposamenak alde aurretik egiaztatuta.
- Enpresak eraldatzeko prozesuak sortzea ekonomia zirkularraren esparruan, eta baita ere eko-diseinua eta eko-serbituzazioa.
- Balio proposamen berriak egituratzea ekonomia sortzailearen hibridazioaren bitartez.
- Arlo sozialeko eta lurraldeetako behar, erronka eta aukerak asetzeko modu berriak bideragarriak egitea, ekonomiaren abantaila erlazionalak eta pertsonen, enpresen eta lurraldearen ahalduentzearen potentzialitateak optimizatuz.

- Eskaera hauek aurkeztea eta tramitatzea: Europako patentea, nazioartekoa edo patente nazionala atzerrian; eta erabilgarritasun eredua edo diseinu komunitarioa, nazioartekoa edo nazionala atzerrian.

LAGUNTZEN ZENBATEKOA:

Diruz lagungarriak izango dira erakunde eskatzaileak aurkezten duen aurrekontu banakatu eta xehatuan jasotako kostuak, jardueraren garapenari zalantzarik gabe lotuta daudenean. (Ikusi diruz lagungarriak diren kostuak 12.oinarrian)

Diru laguntzak kostu hautagarrien % 75 izango dira, salbu eta hainbat proiektu –ikerketak, analisiak eta azterketak, laguntza tresnak sortzea, kontzientziazioa eta sentsibilizazioa, dinamikak ezartzea... horietan % 100 izango baitira.

PROIEKTUAK HASTEKO ETA EXEKUTATZEKO EPEA:

Diruz lagundutako jarduerak diru-laguntza eskaera aurkeztu ondoren hasiko dira, urte naturalaren barruan, eta 2020ko maiatzaren 15erako bukatu behar dira.

ESKAERAK AURKEZTEKO EPA ETA TOKIA:

Deialdi bakoitzaren informazioa eta eskera inprimakiak eskuragarri egongo dira Ekonomia Sustapeneko, Landa Inguruneko eta Lurralde Orekako Departamentuaren web orrian, <https://egoitza.gipuzkoa.eus/eu/dirulaguntzak>.

Eskaerak aurkezteko epea deialdia argitaratu eta biharamunetik aurrera hasiko da eta **2019ko apirilaren 30an**, eguerdiko 12:00etan bukatuko da.